

Broj: 101-4473/24 DŽS **BYC**
Zenica, 16.04.2024. godine

Na osnovu člana 69., stav 2., tačka (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14, broj 59/22), na Preporuku Komisije za nabavku broj: 501-4471-1/24 DŽS od 16.04.2024 godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka za nabavku čeličnih prirubnica (ravne i grlate)

I

Poništava se postupak javne nabavke za nabavku čeličnih prirubnica (ravne i grlate) iz razloga što nije dostavljena nijedna prihvatljiva ponuda - član 69., stav 2., tačka (d), Zakona o javnim nabavkama („Službeni glasnik BiH“, broj 39/14, broj 59/22).

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-3831/24 BS od 01.04.2024. godine, kojom je predviđeno da se javna nabavka provede putem konkurentskog zahtjeva za dostavu ponuda sa zaključivanjem okvirnog sporazuma na period od 24 mjeseca.

Procijenjena vrijednost javne nabavke bez uračunatog PDV-a je 20.000,00 KM.

Dana 01.04.2024.godine na Portalu javnih nabavki, istovremeno sa objavljivanjem Obavještenja o nabavci broj: 439-7-1-92-3-85/24 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 15.04.2024. godine.

Rok za dostavljanje ponuda je bio 15.04.2024. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1. FERHEM d.o.o.
2. ALMY d.o.o. Zenica

Komisija za nabavku imenovana je Odlukom broj: 101-4025/24 ME od 03.04.2024.godine.

Komisija za nabavku je dana 16.04.2024. godine direktoru preduzeća dostavila Izvještaj o radu Komisije za nabavku broj: 501-4472/24 DŽS od 16.04.2024. godine sa preporukom o poništenju postupka.

Komisija za nabavku je utvrdila sljedeće:

- da je ukupan broj pristiglih ponuda 2 (dvije).
- da su blagovremeno zaprimljene 2 (dvije) ponuda.
- da nema neblagovremeno zaprimljenih ponuda.
- ukupno 14 (četnaest) ponuđača je preuzelo tendersku dokumentaciju sa Portala javnih nabavki.

Ponuđač FERHEM d.o.o. nije dostavio traženi kataloški list, te je ponuda ponuđača FERHEM d.o.o. nepravilna (član 2., tačka 1., stav 3. Zakona o javnim nabavkama BiH, „Sl. glasnik BiH“, 39/14, 59/22). Ponuda ponuđača FERHEM d.o.o. se odbacuje u skladu sa članom 68., tačka 4., stav (g) Zakona o javnim nabavkama BiH, „Sl. glasnik BiH“, 39/14, 59/22).

Ponuđač ALMY d.o.o. Zenica je za stavke 1.8, 1.9, 1.10, 1.11, 1.12, 1.20, 1.21, 1.22, 1.23, 1.24 ponudio prirubnice pritiska PN 16, a tražene su prirubnice za PN 10, te je ponuda ponuđača ALMY d.o.o. Zenica nepravilna (član 2., tačka 1., stav 3. Zakona o javnim nabavkama BiH, „Sl. glasnik BiH“, 39/14, 59/22). Ponuda ponuđača ALMY d.o.o. Zenica se odbacuje u skladu sa članom 68., tačka 4., stav (g) Zakona o javnim nabavkama BiH, „Sl. glasnik BiH“, 39/14, 59/22).

Uvidom u priloženu dokumentaciju postupka broj: 403-3831-1/24 BS od 01.04.2024. godine – Nabavka čeličnih prirubnica (ravne i grlate), a tokom preliminarnog pregleda i ocjene prispljelih ponuda. Komisija po članu 66. Zakona o javnim nabavkama („Sl. glasnik BiH“, 39/14, 59/22), i članu 17. Uputstva za pripremu modela tenderske dokumentacije i ponuda („Sl. glasnik BiH“, broj: 90/14), nije našla osnovan razlog da izrazi sumnju da je cijena dostavljene ponude bilo kojeg ponuđača neprirodno niska.

Shodno prethodno navedenom, Komisija je dala Preporuku da se poništi postupak nabavke jer nije zaprimljena nijedna prihvatljiva ponuda, a na osnovu člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22).

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

 DIREKTOR:

Pašalić Emir, dipl.ing.građ.

DOSTAVLJENO:

- 1 x Ponuđaču
- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Inženjer za nadzor nad vod.sistemima
- 3 x Članovima Komisije
- 1 x Sekretar Komisije
- 1 x a/a